



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Septem Illvstrivm Virorvm Poemata**

**Cesarini, Virginio**

**Antverpiae, 1662**

Ad Ioannem Barclaivm, ...

**urn:nbn:de:hbz:466:1-7990**

A D

IOANNEM BARCLAIVM,

Flores studiosè educantem.

**Q**ua tibi culta novos latè parit area flores,  
 Quaeq; nitet vario picta colore seges,  
 Quàm citò, Barclai, defecerit! improbus Auster  
 Dejicit, aut densâ decutit imber aquâ:  
 Solibus aut aestus veniens ardentibus urit,  
 Aut legit, & rapido demetit ungue manus.  
 Haud ita quos lepidis cultu meliore libellis  
 Diuini flores inseris ingenij.  
 Nam Charites Musaeq; fouent, sparsiq; beato  
 Nectare, perpetui veris honore vigent.  
 Nec deerunt vnquam inscripti tua nomina flores,  
 Longa licet studio perpete saecula legant.

CÆSARIS COMMENTARIA  
 CORROSA A MVRIBVS.

**Q**uod mille libros inter, hunc immaniùs  
 Vastasse mures aspicias,  
 Quo bella Caesar incluta, & victorias  
 Hac quâ peregit fortiter

Dex-



*Dextrâ, exaravit doctè, id imprudentiâ,  
Casuve factum ne puta.*

*Nam dum coronâ cingit, ac sedet diu  
Castella circum, aut mœnia,*

*Edendi amore adegit, ac penuriâ,  
Dolo undecumque & machinis*

*Periclitantes aggredi, & consumere  
Excepta murium agmina.*

*Ex illo inustum dedecus, & iniuriam  
Transmissam adusque posteros,*

*Auctoris haud oblita, fortis natio  
Reponit, atque vlciscitur.*

## A D

## IUVENEM PICTOREM.

**D***um viuo discis tabulas animare colore,  
Et varios natura effert quos dædala flores,  
Graminaq; & dulces anni per tempora fructus  
Dum simulas, laudum iuuenili captus amore,  
Disce simul pulcris animum virtutibus altè  
Imprimere, atque Dei sacram mediâ ipse locatam  
Effigiem quam mente geris, fuligine turpi  
Ah caue commacules, & celso è culmine iam iam  
Precipitem, tetro vitiorum in gurgite voluas.*

Ah

A P O

Ah caue

Lilia do

Atque

Actus a

Pullulet

Pœnarum

C H

Suec

F

A<sup>co</sup>

Insolitur

Et rig

Nunc D

Et fug

Quòdque

Extua

Hoc capi

Te qu